



Broj: 13-03/1-04-5869-70-1/24  
Sarajevo, 05.06.2024. godine

**SKUPŠTINA KANTONA SARAJEVO**  
**Služba za skupštinske poslove**  
**- O v d j e -**

**KANTON SARAJEVO**  
**Stručna služba Vlade**  
**- O v d j e -**

Zastupnica Arijana Memić je na 14. Radnoj sjednici Skupštine Kantona Sarajevo, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, uputila slijedeću zastupničku inicijativu:

**“Podnosim inicijativu da se na nivou nadležnih organa MUP-a KS, Centra za socijalni rad, Sigurne kuće u Sarajevu, Općinskog suda u Sarajevu, formira radno tijelo koje će na mjesečnom ili tromjesečnom nivou, vršiti detaljnu analizu provođenja mjera i radnji iz oblasti nasilja u porodici, što će doprinijeti smanjenju takvih pojava.“**

**ODGOVOR:**

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljena je gore navedena inicijativa zastupnice Arijane Memić, a koja je sa pažnjom razmotrena u okviru ovoga ministarstva i na koju dajemo slijedeće izjašnjenje:

Na području Kantona Sarajevo djeluje Koordinaciono tijelo za prevenciju, zaštitu i borbu protiv nasilja u porodici u Kantonu Sarajevo koje je formirano u cilju multidisciplinarnog pristupa u prevenciji, unapređenju i razvoju sistema zaštite od nasilja u porodici u Kantonu Sarajevo.

Navedeno koordinaciono tijelo je prvi put osnovano još 2005. godine, kada je i potpisan prvi Protokol o radu i saradnji Koordinacionog tijela na prevenciji, zaštiti i borbi protiv nasilja u porodici u Kantonu Sarajevo i od tog perioda ovo tijelo djeluje u Kantonu Sarajevo. Značajno je istaći da je inoviran i unaprijeđen Protokol o radu i saradnji Koordinacionog tijela na prevenciji, zaštiti i borbi protiv nasilja u porodici u Kantonu Sarajevo potpisan od strane predstavnika relevantnih institucija u decembru 2023. godine (Ministarstvo za rad, socijalnu politiku, raseljena lica i izbjeglice Kantona Sarajevo, Ministarstvo unutrašnjih poslova Kantona Sarajevo, Ministarstvo zdravlja Kantona Sarajevo, Ministarstvo pravde i uprave Kantona Sarajevo, Ministarstvo za odgoj i obrazovanje



Kantona Sarajevo, Ministarstvo za nauku, visoko obrazovanje i mlade Kantona Sarajevo, Kantonalno tužilaštvo Kantona Sarajevo, Nevladina organizacija - Fondacija lokalne demokratije i Koordinacioni odbor udruženja osoba sa invaliditetom u Kantonu Sarajevo). Koordinaciono tijelo čine predstavnici navedenih institucija, a sastanci istog se održavaju kontinuirano. U 2024. godini su održana 2 sastanka Koordinacionog tijela, naredni je zakazan za juni mjesec, a namjera je da se sastanci održavaju jednom mjesečno.

Značajnu novinu u radu Koordinacionog tijela predstavlja formiranje Operativnog tijela koje je sastavljeno od predstavnika institucija, odnosno profesionalaca koji su u direktnom radu sa žrtvom ili počiniocem nasilja u porodici (predstavnici ustanova socijalne zaštite, zdravstvene zaštite, policije, Općinskog suda, Tužilaštva, Uprave policije i sl.). Operativno tijelo je sastavni dio Koordinacionog tijela i osnovna uloga istog je da se kroz razmjenu iskustava profesionalaca koji se bave zaštitom od nasilja u porodici ukaže na određene probleme u praksi, ponude rješenja tih problema, te da se na taj način, putem Koordinacionog tijela, direktno utiče na unapređenje sistema zaštite od nasilja u porodici u Kantonu Sarajevo. Navedeno tijelo će se prvi put formirati u Kantonu Sarajevo, jer u prethodnim Protokolima nije bilo predviđeno njegovo osnivanje. Očekujemo da će rad ovoga tijela iznjedriti mnoge probleme profesionalaca koji direktno rade u oblasti zaštite u porodici, te sa druge strane i ponuditi rješenje za iste, kao i da će Operativno tijelo unijeti novu dinamiku u rad Koordinacionog tijela za prevenciju, zaštitu i borbu protiv nasilja u porodici u Kantonu Sarajevo.

U narednom periodu Koordinaciono tijelo planira ostvariti saradnju i sa svojim radom upoznati i Gender centar Federacije BiH, Misiju OSCE-a, te nadležne komisije Skupštine Kantona Sarajevo.

Imajući u vidu sve informacije koje su prethodno prezentovane, smatramo da nije neophodno formiranje novog radnog tijela kako je to predloženo u dostavljenoj inicijativi.

S poštovanjem,

Pripremila: Smaragda Lučkin, šef Odjeljenja

Kontrolisao: Miralem Dedović, pomoćnik

Sekretar Ministarstva, Amira Gackić

Dostavljeno:

1. Naslovu,
2. a/a.



Adresa: Reisa Džemaludina Čauševića 1, 71 000 Sarajevo  
Tel: + 387(0)33 562-089, Fax: + 387(0)33 562-090  
Web: <http://mrsri.ks.gov.ba>, E-mail: [mrsri@mrsri.ks.gov.ba](mailto:mrsri@mrsri.ks.gov.ba)

2/2